

Fakalaulahi he Early Intervention Services (EIS)

Tau fakailoaaga ke lata
mae tau Mamatua, tau
Tagata Leveki, Magafaoo
mo e tau Matakainaga



Ko e Early Intervention Service (EIS) ko e taha faahi lagomatai ke he tau fakaakoaga ma e tau fanau ikiiki ne kua lata tonu ke lagomatai ha kua nakai tupu, tutala po ke nakai moua ke he tau mahani ne kua lata.

Kamata mai he Term 1, 2026, to fakalaulahi atu e EIS ke lagomatai e tau fanau ikiiki kamata mai he magaaoho ka fanau mai ke hoko ke he matahiku he Year 1 he finaatu he aoga. Ko e magaaoho nei, fakaoti ni e EIS he magaaoho ka finatu e tama he aoga.

Gahuahua e EIS mo e tau fanau mo e ha lautolu a tau magafaoa

To gahuagahua tuai atu e tau matakau lagomatai mo e tau magafaoa, tau faahi ne lagomatai atu ke he tau fakaakoaga fakamua, tau aoga mo e kura ne ole ke moua e tau lagomatai ha kua tupetupe ha kua ukauka e tama aoga ke iloa mo e tupu ha ko e tau fakaakoaga.

Ko e fakalaulahiaga he faahi gahua nei ke hoko atu ke he matahiku he Year 1 he aoga to moua he tau fanau mo e tau magafaoa e tau lagomatai kamata mai he tau fakaakoaga fakamahani ke hoko atu ke he tau fakaakoaga he aoga, mo e fakatokatoka e tau lagomatai kua mua e mitaki ke kamata aki.

Moua fefe e tau lagomatai

Iga ni e tama mo e ha lautolu a makaukau ke moua mitaki e tau fakaakoaga, ka e ke he falu magaaho na fa tupetupe e tau mamatua ke he fakaakoaga he ha lautolu a tama. Kaeke ke tupetupe a koe, finaatu ke tutala mo e taha ne iloa ke he tau mena nei mo e iloa foki e haau a tama mo e maeke ke foaki e lagomatai ko e tuaga mitaki a nei ke kamata aki.

Maeke i a koe ke matutaki atu:

- › Ke he haau a faahi gahua ne leveki ke he tau fakaakoaga fakamahani, ka tutala a koe ke he faiaoga fakaako fakamahani he haau a tama.
- › Fakahako ke he aoga, ke fakatutala mo e faiaoga he haau a tama po ke tagata gahua ma e aoga, ko e learning support coordinator (LSC) po ke tagata gahua Special Education Needs Coordinator (SENCO)
- › Ke he faahi gahua ne leveki ke he haau a tau malolo tino, tuga e haau a ekekafo, Whānau Āwhina Plunket po ke Well Child Tamariki Ora.

Fakatutala mo e taha mai he kau gahua ha mautolu ne lagomatai ke he tau fakaakoaga

Maeke foki i a koe ke matutaki mai ki a mautolu ke moua e tau hatakiaga mo e tau lagomatai.

- › [Tau ofisa matakavi.](#)

Maeke he kau gahua lagomatai ha mautolu ke lagomatai ke fakamooli kua lata nakai a koe mo e haau a tama ke moua e tau lagomatai lalafi ki ai, mo e ko e heigoa e tau fifiliaga ne maeke agaia ke moua.

Falu vala tala foki

- › [Lagomatai ke he haau a tama kaeke kua lata i a ia ke moua taha lagomatai ke he tau fakaakoaga - Ministry of Education](#) putoia ki ai e tau EIS Factsheet ke lata ma e tau Mamatua (EIS Factsheets for Parents)
- › [Tau lagomatai ke he haau a tama he magaaho ka finaatu he aoga - Ministry of Education](#)
- › [Kaeke ke tupetupe a koe ha ko e tau fakaakoaga he haau a tama - Ministry of Education](#)
- › [Tau fakatokatokaaga tupe ke lata ma e 2025 ko e fafatiaga ke lata ma e lagomataiaga ke he tau fakaakoaga \(Learning Support\)](#)

Tau Huhu mo e tau Tali

Ko hai ne kua kitia kua lata ke moua tuai e tau lagomatai mai he Early Intervention Services?

Maeke e lagomatai EIS ke fakaata atu ke he tau tama ke fakaako tali mai he fanau mai a lautolu ke hoko atu ke he matahiku he Year 1, kamata he 2026.

Maeke nakai e tau mamatua ke ole ke moua e tau lagomatai ma e tau fakaakoaga?

E. Maeke he tau mamatua ke fakakite e tau mena ne tupetupe ki ai hagai ke he tau faiaoga fakaako aoga fakamahani, tau faiaoga aoga, po ke tagata gahua Learning Support Coordinator. Maeke he tau aoga mo e tau aoga fakamahani ke gahuahua mo e tau mamatua ke onoono ke he tau mena kua lata ke lagomatai ki ai mo e matutaki mo e tau lagomatai mo e tau faahi gahua kua tonu.

Kua lata nakai he haaku a tama ke moua e taha talahauaga mai he ekekafo (diagnosis) ke maeke ke moua e tau lagomatai fakaako nei?

Maeke he tau fanau ke moua e tau lagomatai fakaako pete he nakai fai talahauaga mai he ekekafo (diagnosis).

Ko e tama haaku na finaatu fou laia he aoga, maeke nakai haaku tama ke tuku atu e higoa ke he EIS?

E, ko e tau fanau ne kua kitia laia ki ai kua lata ke moua e lagomatai he Year 0 po ke 1 ne maeke ke tuku atu e higoa ke he EIS, kamata mai he 2026.

Ko e heigoa e tau lagomatai ne maeke haaku a tama ke moua kaeke kua lata ke moua e lagomatai ke he tau fakaakoaga ka kua mole e Year 1?

Kamata he 2026, maeke e lagomatai EIS ke fakaata atu ke he tau tama fakaako ke hoko atu ke matahiku he Year 1 he aoga.

Kaeke kua lata e tama ke moua e lagomataiaga ke he tau fakaakoaga ke molea e Year 1, to ligaliga ke lagomatai he Resource Teacher Learning and Behaviour (RTL), po ke Behaviour and Communications Services, po ke tau lagomatai mai i loto ni he aoga tuga e SENCO po ke LSC.

Fakatutala mo e faiaoga he haau a tama kaeke kua talitonu ni a koe kua lata e haau a tama ke matutaki mau e tau lagomataiaga ki ai.

Ko hai ka moua mai e fakaataaga ke moua e lagomataiaga mai he EIS?

Ko e tau mamatua ka foaki e fakaataaga ke moua e lagomatai EIS mo e maeke ke utakehe e fakaataaga he ha magahoni. Ko e laupepa kua fakamooli mai he tau maamatua ne kua lata ke moua mai.

"Ko e Budget 2025 ko e taha puhala ke fakatupu fakalahi aki e tau lagomataiaga ke he tau fakaakoaga he taha e atuhau. Onono fakalahi ke he tau puhala hele tuai, fakalaulahi e tau gahua, mo e malikiti hake e tau puhala ke moua mai e tau lagomatai mai he tau pulotu specialist, ke fakamooli ko e moua he tau tama fakaako e tau lagomatai ne kua lata ke moua."

